



Decisiones Sacramentales, Theologicæ, Canonicæ, & Legales

In Quibus Tota materia Sacramentorum, Theologiæ Moralis, Juris Canonici, & Quæstiones plurimæ Juris Civilis explicantur, dilucidantur, & traduntur, Eruditionibus, Historiis, & Exemplis adornatæ ; Opus Episcopis, Vicariis, Parochis, Confessariis, aliisque Studiosis utile, ac jucundum In Libris novem ...

De Virtute Ac Sacramento Pœnitentiæ Decisiones

Chiericato, Giovanni Maria

Augustæ Vindelicorum, 1730

Decisio XLVII. Argumentum. Proponitur Controversia: An Parochi Regulares tempore Episcopalis Visitationis teneantur recipere Confessarios missos ab Episcopo ad prædicandum eorum populis, ac ...

[urn:nbn:de:hbz:466:1-94661](https://nbn-resolving.org/urn:nbn:de:hbz:466:1-94661)

Regulares dispensare, seu commutare possint vota Summo Pontifici reservata, si sint pœnalia, vel sub conditione emissa, vel aliquo modo imperfecta; quam studiosos, confessorios non pigeat legere; præcipue ubi casus dispensationis, vel commutationis Votorum occurrerit.

Tandem circa Irregularitatem, affirmant DD. communititer, quod Confessarii Regulares possint super ea dispensare cum pœnitentibus sæcularibus 20 in casibus occultis, ut videre est apud Dianam part. 9. tract. 8. resol. 50. nec non part. 11. tract. 4. resol. 3. quæ resident in Operis Coordin. tom. 7. tract. 1. resol. 300. & 301. ubi plures DD. allegantur, docentes, Confessarium Regularem posse absolvere Sacerdotem Sæcularem, & cum eo dispensare super Irregularitate contracta, eo quia suspensus à Divinis à suo Episcopo, non obstante suspensione, quæ tamen erat occulta, Missam celebraverat. His Doctrinibus à Diana allegatis adherent supradicti Monachi Yson Pfavu d. part. 2. sect. 3. §. 1. & Virginius Alviset d. sect. 3. cap. 5. §. 3. n. 2. ob diversa Privilegia per Summos Pontifices concessa Regularibus, in quibus hæc facultas est expressa; ac in specie in cit. Privil. P. P. Minimor. à Sixto IV. emanato in ejus Constit. 5. Bull. Rom. d. §. 7. ubi iisdem potestatem dedit Confessiones audiendi, & ab omnibus casibus excommunicationibus, suspensionibus, & interdictis, ac super quacunque Irregularitate eidem Archiepiscopo (Consentino) tam à Jure, quam ab eo reservatis, & præmissis toties, quoties opus foret, & esset, absolvendi, & dispensandi; vota-que quacunque permutandi, & relaxandi, ac pœnitentiam salutarem injungendi. Hoc Privilegium refertur etiam à P. Augustino à Virgine Maria Carmelita in Compend. Privil. verb. Confessio Sæcularium n. 29. Hæc tamen facultas cum duabus restrictionibus est intelligenda; Una, quod pœnitentes incurterint irregularitatem ex delicto occulto, & dispensentur Pœnitentes in foro conscientie tantum; ne plus videantur posse Confessarii Regulares, quam Episcopi, quorum facultas subiacet huic restrictioni ex Concil. Trident. sess. 24. de Reform. cap. 6. Altera est, quod irregularitas non sit contracta ex homicidio voluntario, mutilatione membrorum, vel bigamia; quia hæc semper censentur exceptæ; ut bene advertit Donatus d. tom. 2. tract. 5. quæst. 36. n. 4. loquendo de sæcularibus, quia circa subditos Regulares majorem facultatem Prælati eorum concedunt DD. etiam in prædictis Irregularitatibus.

DECISIO XLVII.

ARGUMENTUM.

Proponitur Controversia; An Parochi Regulares tempore Episcopalis Visitationis teneantur recipere Confessarios missos ab Episcopo ad prædicandum eorum populis, ac confessiones excipiendas? Et datur Declaratio Sacræ Congregationis, Anni 1668. Quod tenentur eos recipere.

SUMMARIUM.

- 1 Cardinalis Barbadici mos mittendi Missionarios ad Parochias per eum visitandas.
- 2 Episcopus Parochus Parochorum.
- 3 Inferior non potest resistere Superiori bene agenti.
- 4 Missionarii pro Visitatione ordinantur de Jure canonum.

- 5 Parochi possunt assumere sibi coadjutores per aliquot dies.
- 6 Ecclesia Curata Regularium sunt Episcopo subiecta.
- 7 Parochi Regulares sunt subditi Episcopo ex Bulla Gregor. XV.
- 8 Populus Parochiarum Regularium non est exemptus ab Episcopo.
- 9 Regularium Parochorum electio spectat ad eorum Prælatos.
- 10 S. Congregationis declaratio, quod Parochi Regulares tempore Episcopalis Visitationis tenentur recipere Confessarios missos Episcopo.

Sed cum hucusque locuti simus de Confessariis Regularibus, eorum approbatione, & Privilegiis, incongruum non erit annectere hic quæstionem illam; An possit Episcopus occasione visitationis mittere Confessarios ad Ecclesias Regulares curatas, qui populorum iisdem subditorum confessiones excipiant? Mos fuit Eminentissimi ac Reverendissimi Gregorii Cardinalis Barbadici olim Episcopi Patavini, visitaturi Diocesim, præmittere Missionarios, Sacerdotes scilicet, tum Sæculares, tum Regulares, qui illum præcederent de Villa in Villam, & de Parochia in Parochiam; prædicando plebibus verbum Dei, earum confessiones audiendo, ac Sanctissimæ Eucharistiæ Sacramento illas nutriendo; ut uberius fructum ex visitatione sui Pastoris caperent. At Anno 1668, nonnulli Curati Regulares, prædicti animarum regimini in Ecclesiis unitis, ac de Mensa suorum Monasteriorum, detrectarunt recipere eosdem Missionarios Confessores; putantes, id non licere Emin. Prælato, & vergere in præjudicium suorum Privilegiorum; quare delata controversia ad Sacram Congregationem Episcoporum, ac Regularium pro informatione ejus, ad favorem Curæ Episcopalis Patavinæ, in qua Auditoris munere tuncungebar, scripsi: posse Eminentissimum Præsulem mittere antedictos Sacerdotes Missionarios, tenerique Parochos Regulares eos in suis Ecclesiis recipere, ac pro prædictis functionibus explendis admittere.

Primo, quia concors est doctrina Theologorum, ac Canonistarum, quod Episcopus tanquam Parochus Parochorum in sua Diocesi, & eorum Superior, ubi agitur de salute animarum, potest mittere Sacerdotes, qui earum confessiones audiant, non expectato Parochorum beneplacito, imò ipsis invitis. S. Thomas Opusc. 19. contra impugnantes Relig. cap. 4. & in 4. dist. 17. q. 3. art. 3. qu. 5. Sotus dist. 18. q. 4. art. 5. S. Antoninus 3. p. tit. 17. cap. 9. Glossa in Clem. Dudum, verb. Liberè. De sepulturis. Navarrus in cap. Placuit dist. 6. n. 57. Reginaldus lib. 1. n. 46. Suarez de Pœnit. disp. 26. sect. 1. n. 9.

Secundo, quia inferior non potest resistere voluntati Superioris in bene agendo; sed tenetur obedire, juxta illud Apostoli: *Obedite Præpositis vestris* Ad Hebr. cap. 13. Vers. 17. At Curati Regulares sunt inferiores, ac subditi Episcopo in concernentibus curam animarum. Tamburin. de Jure Abbat. tom. 3. disp. 5. q. 11. n. 45. Loterius lib. 1. q. 24. n. 49. Fagnanus in cap. Cum Capella n. 14. & seqq. de Privileg. Ergo recusare non possunt Confessarios prædictos.

Tertiò, nam resistere receptioni bonorum Confessoriorum præcedentium proximam Eminentissimi Pastoris visitationem, est resistere Juri Canonico

nico, à quo eorundem missio ordinatur. *cap. Inter cetera 19. de offic. Ordin.* ubi ita legitur dispositum: *Sancimus, ut Episcopi viros idoneos ad sancta prædicationis Officium salubriter exequendum assumant, potentes in opere, & sermone: qui plebes sibi commissas, cum per se idem nequiverint, sollicitè visitantes, eas verbo adificent, & exemplo.* Concordat textus in *cap. 1. §. Sanè. de Censib. in 6.* Et huiusmodi Confessoriorum præmissionem commendat Jordanus *tom. 2. lib. 7. tit. 1. num. 14.* & Fagnanus in *cap. Ut iusta n. 14. de Offic. Ord.*

Quarto, quia si non liceret Episcopo uti in Visitatione Diocesis suæ his Missionariis, esset peioris conditionis, quam sit quilibet alius simplex Parochus; cui de iure conceditur, urgente necessitate, coadjutorem assumere per aliquot paucos dies. Loterius *lib. 2. q. 27. num. 166.* Layman *lib. 5. tract. 6. cap. 10. num. 13.* Ergo circa illos Episcopus impediri non potest.

Quinto, nam hæc resistentia Parochorum Regulatum est iniuriosa Sacro Tridentino Concilio; à quo eorum Ecclesiæ subijciuntur Episcopis quo ad visitationem circa curam animarum, ut in *sess. 7. de ref. cap. 7. & sess. 25. de Regular. cap. 11.* Appellatione autem Ecclesiarum non solum veniunt Altaria, Confessionalia, Calices, Paramenta, & similia; de quibus Rota coram Seraphino *Decis. 1067. num. 4.* sed ipse populus, & Parochiani, quorum curam gerunt prædicti Regulares; & ideo Episcopus debet eorundem conscientias visitare, eorumque mores emendare, & corrigere; idque agit opera Confessoriorum, quos mittit ante se, juxta *text. in cap. Placuit. 10. qu. 1.* Hic enim est principalis scopus Episcopalis visitationis, ut jubet idem Concil. *Trid. sess. 24. de ref. cap. 3.* & advertunt Pavinus de *Visitat. part. 1. q. 7. à num. 4. & seqq.* nec non Belletus *part. 1. de Favore Cleric. reali. §. 5. num. 113.* atque Loterius *lib. 1. q. 25. num. 29.* ubi populum appellat Ecclesiam mysticam.

Sexto, quia Parochi Regulares respectu Curæ animarum, quam exercent, in nihilo differunt ab aliis Parochis secularibus quo ad subjectionem, & obedientiam exhibendam Episcopo, attenta Bulla Gregorii XV. incipien. *Inscrutabili.* de qua Tamburini de *jure Abbat. tom. 1. disp. 15. quest. 7. num. 51.* & Loterius *lib. 1. qu. 24. num. 54.* in ea enim dicitur, quod ipsi Regulares *In his, quæ huiusmodi curam, seu administrationem Sacramentorum concernunt, omnimoda Jurisdictioni, Visitationi, & correctioni Diocesani Episcopi tanquam Sedis Apostolicæ delegati plenè in omnibus subijciantur.* Sed Parochi seculares neque resistunt, neque resistere possunt Missioni prædictorum Confessoriorum tempore Visitationis Episcopalis. Ergo neque Regulares, dum in hac parte Episcopus est eorum Superior tanquam Sedis Apostolicæ delegatus, cui nefas est non obedire.

Septimo, tanto magis quia Confessarii, ac Missionarii prædicti non mittuntur propter ipsos Regulares; sed ob populum, qui non est exemptus à Jurisdictione Episcopi, etsi Ecclesia Parochialis sit Regularium. *cap. Per exemptionem. 9. §. Verum. De Privileg. in 6.* Tamburini de *tom. 1. disp. 15. q. 7. num. 54.* Loterius de *lib. 1. q. 24. num. 14.* Rota *Decis. 156. num. 6. part. 1. recent.* Igitur Episcopus impediri non potest, ne populo sibi subdito mittat Confessarios extraordinarios, à quibus verbo Dei erudiat, ac Sacramentis purificetur occasione Visitationis.

Neque valet argumentum, quod Parochi Regulares ducunt ab eorum electione; atque deputatione Capellanorum in suis Ecclesiis; cum utraque spectet ad eorum Prælatos, non autem ad Episcopum ex Bulla S. Pii V. de qua Tamburinus *tom. 3. disp. 9. q. 18. num. 3.* & ex Constit. Sixti V. de qua Cespedes de *Exempt. Regular. cap. 8. dub. 64. num. 2.* Siquidem prædictæ electiones, ac deputationes sunt per modum permanentis; hæc autem missiones Episcopi sunt per modum transeuntis, & occasione Visitationis tantum, quæ in nihilo derogant, vel præjudicant juri eligendi Prælati Regularibus competentis; prout in nihilo offendunt ipsos Curatos Regulares, aut eorum Capellanos; quia tam isti, quam illi remanent in eorum officio; & valde juvantur ab iisdem Missionariis, præcipue in purificandis conscientiis Parochianorum, qui sæpe sæpius ob verecundiam, vel aliis de causis, non consentunt integre peccata sua ipsis Parochis, vel Capellanis ordinariis; ut piè considerat S. Thomas de *Opus. 19. cap. 4. col. 11.* quod, utinam omnes Parochi legerent, & attentè considerarent.

Ceterum cum nonnulli ex prædictis Religiosis Curatis, ac eorum Superiores crepiderent; etsi non esset timor, sibi præjudicium inferri, oblatus fuit Sacre Congregationi sequens supplex libellus, à qua emanavit subsequens Declaratio: *Tenor supplicationis.*

Eminentissimus, & Reverendissimus Dominus Cardinalis Barbadius Episcopus Patavinus pro sua egregia Pastoralis sollicitudine Diocesim suam visitaturus, charissimata meliora amulando nonnullos Sacerdotes Sæculares, sive Regulares, pietate, doctrina, & prudentia selectos præmittere, per aliquot paucos dies intendebat, ut Visitationis quasi Præcursores, Prædicatione Verbi Dei, & Sacramenti Poenitentiae administratione viam in animis ovium Pastori mox adventuro parantes, præparata in directam facerent, atque asperas in vias planas; nempe ut facilius posset Pastor bonus gregem suum in semitas mandatorum Domini deducere. Sed cum Regulares nonnulli in Ecclesiis suis Parochialibus curam animarum personarum secularium exercentes prætendant, *Eminentissimum Episcopum non posse prædictos Sacerdotes ad præenarrata munia in Ecclesiis Regularium curatis obeunda præmittere; sed posse per se ipsum dumtaxat illa ibi exercere.*

Idem Eminentissimus Episcopus cupiens ponere fines suos pacem, & mutua charitate multiplicare fructus Visitationis suæ, quærebat ex hac Sacra Congregatione: *An prædicti Regulares teneantur Sacerdotes ad superscriptam causam, & ad præenarratum effectum missos, in Ecclesiis suis curatis admittere.*

Sacra Congregatio Eminentissimorum S. R. E. Cardinalium negotiis, & consultationibus Episcoporum, & Regularium præposita, respondit: *Teneri admittere.*

Romæ 31. Augusti 1668.

M. Cardinalis Ginetti.

Loco + Sigilli.

C. de Vecchiis Archiepisc. Athen.
Secretarius.

Vista, e licenziata 1668. adi 28. Settembre in Collegio per la sua elezione.

Giulio Cesare Alberti Segretar.

DECI.